



韓江雅集卷九


殘梅

程夢星

倚闌愁月立黃昏自闕孤芳靜掩門玉笛易驚無可恨  
翠禽難喚欲消魂姑留冷艷春雖老宵換象顏酒尚溫  
一笑半緣知己在何郎猶有未酬恩

馬曰琯

今年花事苦奇寒纔見梅開忽又殘風過不禁三日賞  
我來難及十分看忍教吟客尋幽夢羞與桃花倚石闌  
如此蹉跎便搖落白頭相對恨漫漫





馬曰璐

畢家園裏欲殘梅可比凌寒犯雪開  
百五節臨風報柳二分春去客銜杯  
已無獨鶴穿林迥猶有餘香渡水回  
何事開遲易搖落滿庭桃李暗相催

陳章

園梅風急灑春衣惆悵攀條一半稀  
蝶戀寒香空寂寂鶴驚晴雪暮霏霏  
溪橋有酒還維艇竹閣無人欲掩扉  
只恐孤山歸夢遠化為江上白雲飛

姚士鈺

梅信今年已後期朝來重恨看花遲  
數聲何處風前笛

幾朵猶橫竹外枝雪點綴疑全盛  
日月朧明似半開時憑添清苦蜂房  
蜜剝取寒香壓酒卮

閔華

江城昨夜雨霏微驚墮梅花片  
飛環珮已空思漢女珍珠雖好怨江妃  
水邊竹外三分在月落參橫一樹稀  
我愛風亭閑坐久不知香雪滿春衣

張四科

零落江梅事已非風中冉冉樹頭稀  
幾枝點雪空妨帽一徑吹香尚襲衣  
清曉鶴猶和露啄黃昏蜂半抱鬚歸  
能消幾日曹騰過青子如珠着雨肥

題徐幼文師子林畫冊

胡期恒

蘇州城東隅吾友

謂張匠門太史

舊所居名為師子林其地僻

而紆我雖常來往未攷名之初今來見圖畫知名蓋非

誣緬惟至正時維則僧名結精廬性好聚奇石形狀狡猊

如勇猛踞地立百獸皆奔趨因之名其菴徐公名賁字

河南左布政攻詩能為寫圖詩分十二景榮公少師姚

跋親書乃知名所起固與實相符姑蘇富山水赫々吳

王都高臺百丈餘佳麗甲中區館娃今寂寞茂苑成荒

蕪豈無弔古客遺跡歸虛無不如一拳石因畫名與俱

吾友今物化重泉骨應枯匠門歿二十六年矣每經舊游處不忍

駐柴車披圖三嘆息掩卷為長吁

程夢星

師林古道場始自元維則因公曰如海繼起主法席嘗

見倪高士為之寫短幅自云擬荆關大癡夢未識今觀

徐幼文亦復擅高格為圖十有二一一標其額禪窩聚

佳勝豈獨狡猊石以視高士畫繁簡揔妙墨惜余過吳

門未及尋輿迹月巖何由窺玉鑑詎能測願假此冊歸

張之於素壁與倪共摩本寶藏為合璧更錄兩君詩吟

諷憶往昔卧游如入林叅契或有得



方士虔

蜀山有詞客才與青邱埒孰謂詩能工六法亦清絕畫  
作師子林幽秀而曲折老樹何參差怪石類拱列想見  
下筆時心神揔超越名輩多留題過眼如一瞥迄今四  
百載墨瀋尚可啜維時梅雨過窓前試展閱雪堂不知  
寒竹谷欲忘熱恍置身其中耳目俱澄澈藏弄付知音  
風流仰前哲

馬曰璐

誰圖師子林一時兩絕作迂翁不可見今得觀北郭妙  
筆開靈蹤塵市有幽托小水玉澁之別峯煙漠之雪月

自掩映花竹亦紛錯時寫無人處飛梁跨澗壑頭上白  
雲飛疑是怪石落展玩清宿心經營宛如昨吳閭四百  
里水宿宅可泊道場倘得尋打色趁行脚

陳章

中吳有勝蹟絕盛元明間名流富吟詠衆妙不可刪創  
始維則師疊石羅禪關狻猊踞當戶似馴淳泥蠻草長  
毛髮鬚苔漬文瀾編開堂延紫翠俯檻納淙潺地隔煙  
塵擾月上松竹閑鐘魚幾人代今古一溪山心久識靈  
秀清曠無險艱胡為往來熟高興未躋攀豈惟天機淺  
無乃造物慳欣茲閱圖畫清暉娛客顏北郭乃詩傑又

復繪事爛引人役宵夢我豈真愚頑行當蠟雙屐挂席  
賦東還

張四科

疊石傍禪棲竒詭夏雲幻一峯若狻猊獨作衆峯冠經  
始記維則繪事傳嬾瓚孰知北郭徐亦為留妙翰參差  
十二幅勝景遮隱見水木淡池臺花竹翳籬棧經窓映  
翠微煙景變昏旦於今五百年興廢一長嘆獨資象教  
力不共塵劫換平生幾兩屐豈祇卧游善擬向鶴市間  
按圖索竒觀

初夏過劉補齋先生行菴寓齋同次先生游休

園韻

胡期恒

假館幽人居門巷輪鞅寡喬木敷清陰披衣坐其下眼  
中無俗物所遇皆風雅懷抱有性靈言笑無虛假嬌花  
秀可餐新篁淨堪把東西峙傑閣磴級平易躋招邀同  
志人櫻笋列杯棗緬想童冠游不異茲瀟灑到此可忘  
年奚止結九夏先生晰妙理造物為鎔冶平生所歷境  
崎嶇化平野青山在目前誰為獨往者大塊亦寓形天  
機勿輕瀉

劉師恕



託跡竒勝喧為樂衆愈寡高軒過城北翠茵鋪樹下促  
膝忘形骸抵掌出騷雅鄙吝滌除踈放荷寬假數竹  
粉沾袖摘櫻風滿把曲徑幾迴環高閣勞登跨擊鉢課  
詩篇含豪畧杯斝禽言妙金奏松聲驚雨灑草色憐新  
晴時光愛初夏佳勝正招尋出郭紛遊冶歌板每依船  
綺羅半在野何處著閑人終朝侶靜者清風與客來竒  
懷得酒瀉

程夢星

良友異鄉縣嘗苦懽聚寡何幸易星歲復集衡茅下高  
情挈後輩提唱入二雅避囂地自幽許閑天所假錫穀

先生有新吟過日時一把頽謝既陵轢杜韓亦超誇鏗  
堂名然發鐘篋粲然列彛斝試讀休園詩逸興更清灑學步  
笈邯鄲措詞媿游夏底物豁性靈洪爐荷陶冶維時四  
月初清和散林野亭館足淹留主賓摠閑者願藉平原  
飲十日共傾瀉

王文充

我與世浮沉泊然思慮寡日長如小年愛憩松陰下有  
時吟興發相將就南雅閑境著閑身是否真成假先生  
早退休詩籌握盈把樂此休園名喬林幽磴跨夙游喜  
再經高詠辭觥斝歸來拂絃書襟懷何瀟灑晨興坐行

寓不復思奏夏鼓吹鬧鳴蛙小花爭艷冶機趣得自然  
有獲在謀野斲輪識國工余亦技癢者雖無江河沛聊  
引流泉瀉

馬曰瑄

心閑境與清道尊知益寡先生棄軒冕一榻寄林下林  
下古竺房謬欲接風雅先生獎借之竟於我乎假竹樹  
三數叢香茅一兩把高吟擬鮑謝古人直凌跨時來就  
公讀斑剥類殷聿鬚髯何蒼々巾烏殊灑々多少授經  
徒何異卜子夏前者休園游風雨春失冶遺構並留題  
所賞在踈野用唐李約語含情到今古豈漫搯觚者願言奉

几杖翠影杯中瀉

馬曰璐

行菴公暫留履約慚侍寡竹粉膩吟籤鳥語墮階下日  
對祇樹林翠陰入媿雅昨枉瓊瑤詞真味非外假今朝  
撰杖來餘芬尚可把追隨列仙儒如鸞碧霄跨茶斟青  
磁甌酒屏白玉掌時於和風中蘭言聽飄灑所媿奔陋  
姿不得列游夏陶鑄默有成能不荷鑪冶公欣長日長  
我忘野人野音不中琴瑟愁遇識曲者獨得抱區々還  
來一傾瀉

陳章



先生謝華簪恬淡塵慮寡落帆廣陵郭偶寄雙林下逢  
僧話清幽接士愛儒雅伊予傷淪躓頻蒙片言假契濶  
心自親瞻依手重把孤花態嬾娟初篁勢陵跨窓靜度  
疎鐘人閑戀芳竿高林綠惜々頽陽紅灑々蠻箋屬吟  
咏皇荅雜韶夏朽木可雕鏤頑鑛就融冶微風吹纖月  
還陪眺原野龍蠖用雖殊同是忘機者願言樂景光外  
物湍流瀉

閔華

高眠避世喧門外轍跡寡修々嘉樹陰婆娑日其下花  
竹自清泚几研亦閑雅况添两部蛙時作鼓吹假吾徒

問字來得句每共把我才方步趨公氣實凌跨今朝復  
良覲櫻笋佐飛竿悠々寺鐘送淡々林風灑塵耳久聽  
瑩恍若悅韶夏更對紅藥階有麗無妖冶高情畧冠蓋  
幽事樂林野試問東蒂人僕々何為者一笑付濁醪滿  
引杯中瀉

陸鍾輝

喜公來白田落々交頗寡為厭塵世喧寄跡雲林下昔  
年宦京輦騷壇主羣雅崇望後輩傾勝語非可假忽起  
蓴鱸思欲采菊盈把歸來日著書陵轢魚舍跨尋幽曳  
杖履者山泛杯竿會晤悵懷抱笑談自瀟灑只慚互賡

韓江雅集卷九  
唱瓦在間大夏吾徒作閑事歲月賴銷冶此地傍精廬  
風物稱秀野諸公富暇豫愧彼勞之者共得暢吟情欣  
茲百憂瀉

喜謝山至因憶樊榭堇浦蕙田諸游好

胡期恒

長夏脫冠巾北窓正坐睡幽夢忽驚回故人千里至相  
見亦何言一笑瀉肝肺三年斷音耗東望輒凝睇思君  
展畫圖澗谷有行菴文謙圖各寫形貌於其上鬚眉見清惠今夕復何夕  
翩、更高會三子各懷鄉去住每相背何當借好風吹  
汝來庭際

程夢星

邦江事雅集更迭作賓主時亦來寓公把臂接荆楚有  
客浙西東入社復三五謝山獨後至飄然却圭組金陵  
移梅歌援筆為詩叙尊鱸遂歸思閉戶甘寂處胡為忽  
乘興片帆落煙渚翻憶明聖湖離情渺何許側聞展上  
已修禊稱盛舉文宴五十人更越蘭亭數視茲謝公宅  
落、仍舊雨譬彼葵邱會陋矣笑鄒魯朋好如搏沙一  
散詎易聚安得同心儔盡與傾尊酌

馬曰琯

炎燄苦逼人五月如六月何處滌煩襟僧房蔽林樾我



友雙韭山三年坐倏忽昨朝江上来不巾復不鞮煮茗  
日卓午談諧日已沒高吟百五詩一涼清到骨先生新著有百  
五春因思兩湖人綠荷映玄髮更憶寒鑑樓菰蒲繞書  
窟同心而離居相望隔吳越樹頭蟬又鳴年光易銷歇  
馬曰璐

挂帆甬東雲弭棹邗溝水三年一見君襟抱猶如此聞  
君離舊居吟嚮過西湖春光一百五故人無密疎林扉  
啓曩昔中有舊行迹心賞不同來因之訪消息風吹南  
以北風送北以南相思更若雪相念還當諧歲月流水  
駛游好晨星散假如君不來何人續文宴

陳章

風吹竹梢雲似我平生舊聚散固其常索居時負疾全  
君鄮山來陸離詩滿袖一讀洗袪暑再讀消永晝雄談  
似多輟豪飲如決溜因思素心人杭厲比蘭臭不筴牧  
豬兒飛電紋楸莖浦雅驟者爽疲精編纂間欲與梨棗壽樊  
方開雕宋姚君泛蒲蓮高歌楫頻叩安得天遣來差肩  
坐我右鯨鏗門春麗朝華競夕秀或執螯弧登或握繁  
弱鼓吾將憑軾觀笑頰靴紋皺欣戚付無何追涼窺碧  
甃

閔華

浙河富名彥論文多上才參差似燕鴈冷落茲亭臺  
歎矣南皮念復爾河朔杯雖無四美具恰喜一人來  
風雨思已減山水遊仍乖今年與孺齋漁川西湖與玉湖想  
見荷花開

全祖望

昔我來是閒草堂甫經始倥偬渡江歸魂夢幾勞止  
迢遙雙鯉魚莫罄論詩旨轉瞬三夏過相逢互歡喜  
重來訝新迳舊雨迷故址東西萬篔簹落長孫子閣  
中古先生微笑一彈指倒履增歡悰披襟消塵滓今  
年溽暑早火雲迅于矢愛茲別有天薰風環圖史諸  
公冰雪腸

吐句清神髓而我已才盡坐笑彭亨豕遙溯浙河西  
水雲正清泚故人夫何如梁月共徒倚

陸鍾輝

朋踪如飄萍時聚復時散曾記送君行孤舟風雪亂  
嗟哉歲月流寒暑已三換沂江錦鯉魚不教音問斷  
喜君四明來相逢欣一旦君本不羈人那為微祿絆  
有酒且共飲更憶舊吟伴六橋煙柳濃雙溪風荷爛  
何當放扁舟頓令炎暑道

張四科

我友天下士半居山水鄉偶聚若萍梗一別愁津梁  
四



明有狂客早歲辭巖廊幾年阻音塵隔絕如參商今夕  
復携手中林共壺觴廣除澹炎景南風清樾香既欣文  
字飲更歌風雨章遙憐二三子浙西恣相羊安能聯袂  
來使我朝飢忘

分咏消夏食單

胡期恒得水酒

盛夏暑方劇麴蘖非所宜寒熱互調劑乃以冰投之一  
吸清耳目再吸沁心脾遂令熱中子滿腹生涼颺

程夢星得銀苗菜

光旁出泥中霜刃截其角

陸璣詩疏幽州謂之光旁為先如牛角

鹽醋入

冰盃脆若銀絲剝解暑功獨神醒酒理亦確乃知清淨  
品徃々溷汙濁

馬曰琯得石華粉

瑤枝產石根細齒珊瑚狀揚帆東海頭采掇瀝盆盞方  
寸截凍膠糖薑佐冰釀乍食伏三尺一嚥冷九臍

張世進得冷淘

縷麪擇重羅取冷便三伏愛此水引佳不藉槐葉綠鄉  
味入饒叔食飽自捫腹安能效謝公着衫餐白粥

方士處得來禽湯

分種似蘋婆微紅嬌女靨幾顆瀾清泉酸香沁牙頰少

飲便有餘庶可祛內熱閑窓午夢醒更展來禽帖

馬曰璐得梅蘇丸

百味困炎上大甘變連苓誰搗清涼丸元冰點我心梅  
酸泄老火蘇辛助稚金故人惠口實西疇適以用以時

時禽

陳章得水精鮓

尺半健銀鱗罩來荷葉下

吳越間謂夏秋魚為荷葉下  
魚味寡鮮美見陸放翁集

剝雪糝鹽枿朝製不待夜解包香一筵落盞光四射欲

嚙肺腑涼故無取燔炙

閔華得茉莉茶

日長修茗事小摘素鬢花香沁一泓水月映冰甌斜借  
彼隔宵味配以先春芽濃芳在舌本得句應清嘉

陸鍾輝得薄荷餅

餅出周禮疏不聞菰蔴雜其味雖辛涼久服動消渴炎  
暑食亦佳色香兩清絕作戲醉狸奴也如凍醅滑

全祖望得絲瓜羹

慘綠感西風天羅荐薄絮賦產豈桑林和膏自機女柔  
芳釀清心虛瘦滌香雨閑調蜀雞湯滌指忘徂暑

張四科得竹葉茶

竹葉作茗柯个之碧踰寸不入此君傳可廢毀茶論味



帶曉露鮮色奪春旗嫩閑對碧蟬花一甌祛午困

銅鼓歌

胡期恒

武侯五月渡瀘水瘴毒薰天人畜死七擒七縱服蠻心  
從此南人不反矣公方經營事北征欲遣蠻獠供驅使  
登山渡水捷猿猱頭目獐狎面如鬼公于南荒鑄矛戟  
開爐熾炭山為紫武侯于川滇接壤處置爐也採銅作鼓  
數百面鑿穿山骨埋山底行人登山鏗有聲以此作鎮  
今千祀永寧牧伯謂易融昭好事人索之土目携歸里我来  
撫摩不忍去滿天星斗雲煙起土暈銅花不能蝕鼓腹

堪容五斗米武侯功業已灰塵但存此鼓猶未毀吁嗟  
牧伯亦云亾感歎之餘淚如洗

程夢星

銅鼓之製始駱越伏波毀鑄為名驄武侯渡瀘鎮遐服  
常埋此鼓威南中降自前明至神廟大盥一戰誇奇功  
得鼓九十復有三蜀漢遺留何無窮傳聞冶金初鑄日  
羅酋來賀烏蠻從男女擁髻高鬪鬆車載酥酪牽潼犇  
竹筒腰長葫蘆短銀釵擊和聲錚鏦從茲征戰暨報賽  
山崖懸撞名集通又聞獲此過三二便可南面稱豪雄  
無何供獻入中國以此竟卜蠻運終吁嗟武侯握勝算

祁山六出無成功木牛流馬式尚在千年埋沒荒煙蔽  
詎有區々鼓數十乃關運會論吉凶即今耳目作近玩  
當時融冶殊精工雷文剝蝕土花碧雲泉蕩漾金膏紅  
置之几案覆以錦商彝周鼎將無同我來摩抄長太息  
以杖叩之猶逢々

馬曰琯

溪峒夷獠風俗譌從古薄伐憑干戈武侯忠義貫日月  
驅蠻亦似驅么膺至今遺跡留桂海銅鼓其一埋藏多  
上如坐墩空其內細花兩面無偏頗線圈十道同月暈  
文環旁列疑蠶窠當年鑄此耀威勢淵々振動驚山河

後人掘得每鄭重一鼓市值百鎰過吾家伏波征交趾  
曾聞改鑄此鼓式馬駝駱越賽神亦屢用彭鏗叩撞兼  
夷歌不知是一還是二但愛朱碧斑剝纏斗蜎同人手  
拍復杖擊一日何啻三摩挲吁嗟此鼓去今千百載昇  
行萬里供吟哦旌旗行隊若相望寒色秋風戰薜蘿

張世進

伊耆土鼓不可識後世昭聲專以革範銅之製始何人  
舊說伏波征虜得當時曾建華柱標闕伯輿河橋賦華  
柱上征殊馬援之  
標歸日更成名馬式已使遐方兵氣銷宥容遺物南荒  
匿夏家屈弓雖彷彿北鄙無由到邛夔人言此是武侯



遺俗耳相沿如日覲木牛流馬出剏造連弩元戎經損  
益鎔金作鼓無明文以理求之恐荒惑渡瀘方在五月  
時盡瘁自言并日食不毛深入宜輕師負重安能馳絕  
域分明苗鑄托侯傳應為大名垂赫々我聞狸獠數家  
珍一具可當牛數百戰攻伐此聚羣首宴會鳴之召賓  
客多藏乃以音老稱初成每用銀釵擊深林密箐久棲  
遲瘴雨蠻煙飽經歷昔留谿峒競豪奢今置文房勤拂  
拭滿腔屈曲雲雷紋竟體斑斕朱翠色捉時何必桐魚  
材捫處尚餘花蛤迹脫離鑪鞴想千年遷轉山川知幾  
驛比來小醜稍跳梁武功試後綏文德南人不敢萌異

心蠻琛屢見來中國願因此鼓咏休明莫但摩挲忘

帝力

馬曰璐

銅鼓銅鼓來何方聲價欲較千牛昂蕭晨有客開涼堂  
偶然得睹矐目睚疑盪疑鉦疑釜鐺非秦非漢非夏商  
其徑不啻尺半強細紋十道羅中央雲雷乳粟分微茫  
凹腰疊耳苔花蒼生砂活翠堆兩旁摩挲盡日騰晶光  
以杖試擊音鏜々蠻煙瘴雨凝捲腔蛤鳴或自高州鄉  
不然進獻由南康客曰否々白獠藏羅施鬼國斯惟臧  
當年桂陽本要荒武侯鎮服軍威揚冶銅鑄鼓施用良



百酋效順安箐篁惜哉漢運不復昌中原囊括志未償  
出師未遂星墮芒誰歟虎視無龍驤械巧僅得留邊疆  
嗚呼陵谷幾滄桑只有此鼓無興亾南天萬里道路長  
不脛而走神扶將秋窮氣肅天蒼涼臨風憑弔愁詩腸

陳章

郭氏塢中月如晝將星墮地馬騰旆炎祚銷沉漸不支  
沙磧陣圖餘錯繡材大曾聞歎杜陵略疎不分訾陳壽  
武侯志在靖中原猾夏蠻夷安足究禍患應從肘腋平  
機宜不是迷先後五月渡瀘輕瘴癘千里行師裹糧糗  
百戰百勝古已無七擒七縱真神授從此羣蠻熨帖平

猛席在山伏百獸爭肩銅鼓獻和門酋帥投戈無免胄  
為用名歸大司馬合偕銃鐳勤奔走惜未曹瞞頸血鬘  
功業有端嗟不就至今遺愛在南荒丞相祠堂瞻巨構  
歲時伏臘走巫覡花鬘女子銀釵扣嗚呼款猥不足聽  
筒拍蘆笙同節奏又聞撻伐置水中恍似馮夷出波驟  
此鼓當年不知數埋土沉沙如列宿深林密箐發光芒  
震谷鉤鏗驚雉雉桓：明季劉將軍坐鎮黔中嚴堡堦  
牡豬塞破戮俘囚所獲纍：猶輻輳劫餘散落在人間  
百碑礫值人爭購制同鳧氏屬鞮人木革雙音盡金吼  
面縱一尺身倍之紋如日暈腰微瘦丹砂翡翠漬爛編



鑿餐雲雷精刻鏤手持崩桴偶擊撞清越猶欣未穿漏  
周鼎商彝雖不如却與大名垂宇宙

閔華

禹鼎淪泗不可見石鼓文殘已難辨何如銅鼓尚完好  
翡翠硃砂間青線我來一晌重摩挲篆隸分明環鼓面  
傳聞是器始駱越伏波鑄之式名驪胡為系以諸葛名  
想見南征麾羽扇羣蠻服化不復反製此將毋從俗便  
其俗峒戶各君長跳躑孱顏區深箐以之功用頗不一  
攻伐炊烹兼祭薦有時合樂聚羣獠曲席何妨雜酋眷  
鬢鬆髻髮垂兩頤女手搵擊釵釧至今得此便稱豪

千載猶然生愛戀可知一物感人多矣必區區事征戰

全祖望

金沙江上貝子銅脫胎鑄就聲鏦々流傳云是武鄉物  
然耶否耶漫折衷誰尋斜谷故壘雄誰圖夔峽遺陣工  
二千年来溯明德不獨舊物重南中滇兒巴女拜祠下  
孟家爨家幾豪宗迎神送神爭考擊彷彿猶聞鏡吹風  
誰為奏曲沔陽墓誰為合樂永安宮沉埋桑海幾歷劫  
忽然黍谷出黃鍾南嶽劉郎真老熊百蠻震疊凜英鋒  
九十三鼓警羣蒙謂是山頭故神鎮六丁六甲所護從  
一朝迸見豈偶耳厥角稽首敢不恭當年露布登廟社

而今遷轉隨沙蟲赤符白水雙寐冥聊復一鼓作氣催  
詩筒

張四科

精銅巧鑄尺半高腹剖面夷腰微凹雲雷百匝花紋交  
非鐸非鐻非征鏡是曰銅鼓出谿峒伐之鏗鎔如鳴磬  
形完毋煩鞞人鞞聲巨詎必銅魚鼓漢家丞相平不毛  
天人擒縱一手操當時作此厭醜虜或云八貢從猗猗  
丞相宿諳五勝法要使金伏炎精煬應留此物鎮南土  
與銅柱并銘勲勞可惜形製失載記遂爾千載傳聞渚  
吾聞伏波將軍作馬式駱越舊器皆鎔銷又聞赫連所

鑄圍一丈以配大夏龍雀刀存亾無據塵劫消較此奚  
止爭釐毫况復黔山蒼々瀨滔々逞々名以銅鼓標定  
為忠武所遺信不僥五溪蠻夷竄重此得之能易千蹄  
牢納鼓釵長獠女叩醉舞胡旋歌哇咬蘆笙合奏峒神  
樂用祈豐歲齊肥境百年以來蠻運絕流轉遠上越客  
舸買歸高齋佐清玩懸以畫簾貫以絛手持雙杖不敢  
下安得拊擊同陶瓠免使古物竟受雷門嘲

秋日泛舟過環溪

馬曰琯得航字

湖水漲溢風力強倒牽逆挽浮小航當門剩見荷葉亂



朝江雅集卷九  
十九  
隔院早聞巖桂香冷雲半池作秋色清露一杯澆渴羌  
此中直欲十日住可能容我歌滄浪

馬曰璐得添字

環溪屢過吾不廉菰蒲蕭々良友無放舩那辨五塘界  
入門先眺三山尖黃籬亞連野色濶碧琉璃淨秋光添  
回憶前番隔伏雨依稀夜月明纖々

陳章得三字

客懷老去日無賴陸子招我窮幽探蒼葭忽驚露已白  
迴汀宛落江之南池光搖檻照人瘦秋色隔籬如酒酣  
何事舉杯成大笑今宵不負月初三

閔華得人字

環溪隔城可五里乘興訪秋來幾人涼風兩岸舟倒載  
荒草滿原車獨輪入門飛蝶影栩栩隔竹吠犬聲狺々  
日斜戀此不能去坐對清池聞躍鱗

全祖望得纔字

連朝白帝灌秋水且上烏榜試流杯滿眼稻田事正亟  
驚心瓠子勢未衰竹中矮屋風怒早雲外小山香放纔  
天高氣肅感旅思我欲便賦歸去來

陸鍾輝得秋字

吾儕蕭散日無事相與放艇尋清秋白荷數點露的皪

青蘆一片風颺颺已知流光如過鳥莫將塵念輸閑鷗  
香茅笑指棲泊處雞黍匆匆且少留

為寄舟上人題天池石壁圖

程夢星

昔聞小華山巖壑劇深杳石壁矗其背孤峻影若倒天  
池貫其腹澄泓去仍抱嘗見黃鶴樵勁筆恣幽討今觀  
默岑畫興至亦非剽波靜魚不生石瘠樹轉小遊客頗  
踈々棲禪更稍々披圖已神往攬勝儼躬造竊欲繪靈  
境粉本出意表翻恐著色相又被山靈惱

馬曰琯

中吳山水佳天池夙所慕往歲恣行吟曾踏松陰路是  
時九月中風葉落如雨上涵明鏡光倒影射寒兔石屋  
千載留高士幾回住別來踰一紀夢魂屢沿溯寄公湯  
休流文字契真悟携圖出示我一見豁沉痾念往俗慮  
湔懷新秋色赴惜哉筋力衰足蹇慚故步持此當卧遊  
白雲莽回互

方士虔

輿區闢東南秀衍支硎麓有池山之巔汪々浸寒玉澄  
波靜不流風漪細於殼竹樹多華滋巖岫互起伏幽人  
杖錫來謂此可卜築丈室面蓮花講臺依石屋梵唄猿



鳥馴嵐翠鬢眉綠墨岑繪作圖高下具尺幅披覽當卧  
遊佳境宛在目羨茲山中人一生備清福我擬謁上方  
自媿形骸俗請師為湔除天池水十斛

馬曰璐

峭石摩天雲止水湛靈府誰為寫此圖中有道場古上  
人池上來度難救諸苦披圖已起予恍如聞信鼓惜哉  
廿載前覲面落宿莽他日倘重遊迷徑當問取

陳章

相逢雲溪僧袖出天池圖幾辨青蓮華白雲繚其隅指  
點說石壁斜倚佛子廬山腰水一窪甘寒味醍醐天下

或無雨此池曾不枯支公古道場中吳擅靈區春窺神

駿跡秋聽臯禽呼松風掃塵軌童子皆清癯聞昔大痴

畫楮與年歲祖曾見徐高士侯齋先生有天池石館小筆

滌水壺此圖略彷彿後輩所步趨此圖吳門張墨存筆展翫悅我

性巖翠沾眉鬢何啻十往還未一尋荒塗山靈解笑人

自訟誠粗疎明年辦草屨當與柳栗俱師歸語煙霞此

言殊不虛

閔華

中吳富名山亦有蓮花峯未遊山中寺曾撫山下松林  
端互隱見一朵青芙蓉裊回已曛黑下界傳昏鐘俗駕

不成往靈境空自逢師從茲山來紫衣嵐氣濃示我天  
池圖如聞泉琤琮何時造石屋遠繼高沈蹤仰見林月  
小俯視天雲重

全祖望

我昨遊吳苑道出天池峯興闌刻谿雪夢醒支硎鐘披  
圖接雲氣乃自紙上逢絕嘯釀清流寒玉瀉琤琮十丈  
碧琉璃映出青芙蓉時平鼓妖噤但見林嵐濃緬思百  
年內振鐸有藥公斯人不可作晞髮留遺蹤歲晏我東  
歸來尋五粒松

于酒

馬曰琯

第八洞天水釀來風味清過江南酒冠開甕主人情酒為  
茶塢所餉五字虞山老三蕉嶰谷生烏程知莫敵斟酌到深  
更

陸錫疇

載酒過揚子榭花雨或如井泉從昔冽于氏宅側鷺炙  
法全踈炙子鵝方此日推南董尊前憶北徐酒間及二  
今不傳話鷓夷莫相笑續寄願非虛

馬曰璐

遺法來良醞名家未許參詩傳東澗老品擅大江南奕



葉論前代微吟盡此柑恰宜佳客共踈酌記精藍

陳章

秫自湖濱種金壇長蕩湖多膏腴之田泉從地肺通釀成名酒味憶  
得故家風閱世曹騰裏開顏寂寞中真堪壓江左誰更  
羨耶筒

全祖望

京口雄名舊金沙晚寂澄古香傳吏部清德重中丞謂

立九瀛二先生尚帶湯塘色寧隨苦露稱江南無此種滄酒庶

同登

瓊瓏館主分餉于酒與漁川對酌率賦報謝

姚安鈺

少誦虞山詩頌贊于家酒美人與君子比竝未曾有沉  
吟欲垂涎安得嘗自否昨聞渡江航好事餉吾友分甘  
憐渴羌滿甕忽入手侑以嘉餚腩并惠美炙芬香盈牕牖色  
清味更正釀法宜傳久想像百年前風流逾篤厚馨逸  
勝越中澄泓冠京口迴思故鄉味醴粹較堪取英氣此  
未除稍落烏程後其餘杯中物甜濁俱卻走地主南董  
流頗為冝其首病夫稱小戶亦酌以大斗三蕉誇嶰谷  
五字愧蒙宓嶰谷飲于酒詩云五字醉筆掃寒愁一笑  
當鼓缶

張四科

我之身後名惟願一杯酒豪情何日無良醞不時有頗  
 聞于酒佳未審果然否分送賴飲徒淺酌對詩友共聳  
 苦吟肩小試傳杯手心賞頓鑿坏耳食已决牖緬維故  
 家風遺法百年久輕清匪醜薄勁正若醴厚倘未知其  
 趣不幾負此口五酸烏足誇十日又安取因思勝國季  
 恰值鈞黨後閣尹朝端譁豺虺天下走解憂惟杜康無  
 事效犀首而今文字飲臣亦可一斗傾壺感釀人運舫  
 類漫叟醉把虞山詩我歌君拊缶

韓江雅集九卷終

韓江雅集卷十

邵文莊公温硯爐為方西疇作温硯銘暑有發

濟且和燮理在我彼鼎我硯制殊義同汝革汝  
 從惟金在鎔功成斯文而不自有左右置諸歲  
 寒良友二泉邵寶署錫山安國製

胡期恒

水火不相息金石互為用五行相揉雜陰陽迭賓迭刑  
 物有妙理制器以人重二泉真名臣理學宗前宋製為  
 温硯爐作銘等歌頌左硯右為爐中含一氣動水澤互  
 腹堅惟茲暖不凍流傳二百年巍然清淨供先生精易  
 理靈通三畫夢石門竟不開風雷護岩洞錫山第三峯  
 下有石門相



傳二泉先生讀易處有諺云  
若要石門開除非邵寶來方君護此寶詩筆時一弄  
更邀同社吟清風吉甫誦

方世舉

會昌李衛公蓄硯情繾綣錫名曰結鄰利用蓋可見不  
知天寒時煖玉孰後先吾家廣歛端往々困冰霰石匪  
奉勅頑墨少病風轉宋庫有端材高宗大書頑字其上  
風檄誤倚馬工性激投卵卞誰歟執紫豪宮女呵便殿  
櫻桃熨棗心宋時筆名那能及踈賤事困道有亨技窮法生  
變無端曠暝天能草嚴冷面消寒寫新詩西疇手輕旋  
問之何能爾呼童出温硯攻石湏攻金非甌復非甌一

氣轉春融得使揮灑善天道真無私慧業寧有戀文物  
前賢昭詞場後生禪前明無錫邵二泉先生故物銅貧  
噴我未除攫奪君必謹大言思封侯安用筆硯羨方冬  
射獵豪讓爾文事擅蒙恬伐中山亦入毛穎傳

程夢星

文莊邵公理學儒不効平江媚權要再疏乞休歸錫山  
力疾事親遂純孝諫草既焚惟著書樂志林泉恣游眺  
寒窗點易手不龜自製温硯特精妙錫山有文莊點中  
空外方銅質堅那湏七寶誇麗巧去聲唐內庫七寶  
自上其冰常苦呵硯旋復冰又熈炙硯毋乃燥魏武滴酒

易滯凝顏守致薪足嗤筴曷若此爐法既濟用兼水火  
通元奧舊物流傳二百年吾儕把玩非意料銀槎注釀  
餘甘芬雁足懸燈藉清照得茲古鑄充席珍鼎足三分  
發光耀消寒雅集今更始位置山齊佐吟嘯

厲鶚

梁溪江左勝山水清且幽扶輿磅礴氣多產賢達儔邵  
公早解組道困多幽憂北寺毒朝宁南陔樂林邱後來  
高顧輩公先導其流東林事孔棘不及公優游觀公溫  
硯制瓶物匪彫鏤讀公自造銘寓意深可求漫學水火  
爭當效燮理謀彼鼎或時覆我硯常有收范以金從革

湯沐合賜休貯以石虛中即墨行封侯功成在束緼文

出如蒸餹耐寒此故交附熱豈足侔安氏邑大姓膠山

理菟裘重祠李忠定公作迎神謳安國重建膠山李忠定公祠公為作記

侍公超然堂堂在二泉書院良冶為公鳩牽連宜得書捧硯榮

全牛方君雅好事什襲比琳球拓詞費擅椎徵詩徧遐

隙宜共竹爐卷永之傳千秋錫山聽松菴有王孟端竹爐圖卷題詠寂夥

馬曰琯

西疇酷嗜古每至不空手珍重是文房得一如良友携  
來溫硯爐出玩當頭九不愁青靄疑但愛寒雲走衆賓  
紙滲墨小子心語口當年戰文場藉此亦良厚而今傷



老大宴坐柳生肘曷若留水澌苦心聊與守載薪甘讓  
前治銅寧落後再讀古銘文遐哉二泉叟

張世進

迎寒墨汁膠落紙筆頭滯通儒發巧思溫硯出新製範  
銅使虛中嵌石如合契中以清泉涵下用微火繼相煎  
戒大壯取和法既濟銘詞如古謠字體作散隸想見容  
春堂冰雪伴孤詣流傳幾歲年完好未刊救我友購之  
歸拂拭手不離似近南榮炙那懼北風厲永免三灾咄  
用足一冬計願君如二泉真詩垂百世

鍾伯敬嘗言真詩惟邵二泉耳

汪玉樞

體方而長洞然中空貯火不炎貯水不凍暖生鳳味冬  
如春仲既濟陰陽文房清供

方士虞

離坎互為用鎔冶有妙理誰鑄首山銅暖徹烏皮几緬  
惟文莊公柱石中流砥力學貫天人冥搜遍經史溫硯  
今尚存精製乃無比寒窓試拂拭斑剝土花紫火暖墨  
有香泉清筆可泚繞席春風生近夜嚴威徒想公歸田  
後著成日格子呵凍時作書拈豪或藉此名高點易臺  
文瀾二泉水詎知數百年浮沉五都市顯晦合有時流  
傳應未已水耕復火耨三冬代耘耔翻笈坡公詩死灰

吹不起

馬曰璐

彌明擬神仙景山稱名士茶鼎與酒鎔兼得擅風旨况  
茲文房竒雅式補硯史用與束薪同形非熨蕉比竅通  
坎離中勲策冰雪裏吾儕日無事琢句當耘耔聊作燒  
田耕庶幾火化美研墨煙松融漬豪健兔起麗事開寒  
廳清味滿生紙不獨容春堂曾書日格子

陳章

銅爐形製如車箱虛中宿火牖一旁高處著壺低著硯  
淺函承硯涵温湯錫山安國妙鑄造四言銘語傳文莊

文莊學術有根柢立朝正色神飛揚姦閹莫能脅諫疏  
逆藩安可求詞章南禮部似置閑散乞身奉母開華堂  
九龍雪脊照窗戶曉吟凍筆愁錐鋸通紅栗薪夾兩筋  
注茲勺水分陂塘蒸雲一縷裊几格墨池宛爾接混茫  
活國之手既已袖且與泓穎調陰陽省察或書日格子  
白華詩句謄數行二百餘年幾流轉今歸好事西疇方  
消寒會中提挈到軍持石鼎難頡頏我窮往々類蟲蟄  
鸞跽一搨搜枯腸却喜分牋坐硯北揮豪紙上成軒昂  
宛如春雷走蛇蚓十指不作薑牙僵

閔華



古物因人傳巧思見匠作去聲二泉有温硯銅范一尺大  
外秀虛其中右下亘其左全體叶離兌四足異偏頗空  
刃水眼藏傍鑿風洞破利用乃冬窩策勲匪夏課奚費  
顏薪烘未比桑錢磋冰錐那易結朱唇底湏呵想公著  
述多脫橐非一過點易或曾温索詩詎宵浣用本傳寧  
藩索詩事  
尋常只文具流傳等竒貨彼哉崔烈銅但值一笑唾

陸鍾輝

古鑄渾如百鍊金坎離既濟意何深石門閉後山泉冷  
誰識當時注易心

張四科

五金皆山英萬物勞匠智要以濟時需尠克佐文事於  
明邵文莊獲睹硯爐製流傳三百年請為說其器外周  
而中空方整若巾笥其上紫石嵌其下朱火熾復裏貯  
清泉傍竅納虛吹探文合坎離取象配天地春向筆端  
回煖入墨花膩冰雪頓無權揮灑每如意二泉本大儒  
詞翰亦精緻撰銘鏤其旁蠆尾五十字方其歸養時遂  
畢著書志砥行益精純力學辨真偽峩々點易臺高名  
共蒐歸里人安桂坡多幸見接待竊欲煖公寒役作類  
鳧燧慨此自公遺敢作玩物視我有嗜古朋愛之左右  
置呵凍索題詩秋火請一試

南齋分詠

程夢星得銅畫義

展障憑玉叉銅鑄亦古格承之以竹竿其銳不盈尺山  
水供卧遊藉爾張素壁更取月朔錢留餘待賓客

馬曰琯得曲柄壺盧

一壺遺老僧不知何年植曲頸繫長繩時々懸卧側縮  
地非敢期大藥寧易得惟願藏異書科斗我獨識

方士庶得竹如意

竹譜不一形紆竹世所棄何為取此君而為指麾地須  
知報平安自可號如意不見籜皮冠曾同高士賜

方士處得雙魚銅洗

小洗何時鑄中有雙鯉魚荇藻鱗鬣具浮沈若相於銘  
文宜子孫詎宵污飲徒呼童貯清泉盥手讀道書

馬曰璐得瘦瓢

誰雕臃腫餘製作具妙理樸較長生同大非五石比謂  
此不材者翻居醉鄉裏人生亦贅疣頽然吾與爾

陳章得玉冠子

水玉琢仙冠秋空割半月曉鏡色瑩眸夜壇寒浸髮團  
圍愛孚尹平聲歌危愁滑笏好配白霓衣頻向虛皇謁

姚世鈺得黃楊詩筒



當時竹詩筒遺製傳元和巧工代以木剗中供吟哦既  
免閏年厄還貯新篇多倘逢元白流酬唱無關河

閔華得銅蟹

有物曰郭索釋名見揚子胡為登几席遽爾離泥滓緣  
鑄首山金用鎮蔡侯紙策勲在文房不信乃介士

全祖望得曲木几

老我直如弦豈有安身處何來輪囷木示以委蛇趣差  
喜自天然不須假雕鑄獨憐醉欲眠憑肱適相遇

張四科得蟾蜍水滴

誰鑄此蟾蜍彭亨隱痲癩爬沙不入月貯此涓滴水研

磨墨潘香摩挲土花紫長置硯山旁相對憶顛米

東園雜詠

胡期恒得品外泉

一泓清碧映寒星入口冷貯玉瓶鴻漸品泉應未到  
偶然遺漏譜茶經

程夢星得醉煙亭

年來倚醉煙亭繡野晴川疊畫屏試問離原上草  
春風何日為吹醒

馬曰琯得春雨堂

紅槁畔足煙蘿一代繁華付逝波如此春光如此雨

竹西今日已無多

汪玉樞得疑翠軒

十分松樹一分山都在煙光香靄間好是竹西新雨後  
小窗六扇幾曾關

方士庶得蘋風檻

迴廊屈曲滿風漪露下橫塘月上遲輸與四明狂客在  
白蘋香裏倚闌時

方士庶得目聯臺

扁舟重溯水雲隈窗戶玲瓏面開一片玉鈎春草色  
幾回吟上目聯臺

馬曰璐得春水步

花香淨洗綠差差風蹙圓痕乍暖時安得秦川舊公子  
碧桃開後寫新詞

陳章得小鑑湖

道士莊前憶昔遊菰蒲秋色滿汀洲酒船欲棹歸難得  
却倚平軒俯碧流

閔華得駕鶴樓

駕鶴樓高逼太清林風時作步虛聲仙人吹笛向何處  
二十四橋秋月明

陸鍾輝得嘉蓮亭



蘇東坡詩集卷一  
九  
莎亭一曲水滌迴紅白芙蓉鏡裏開  
飛起鴛鴦七十二  
曉風殘月莫相猜

張四科得踏葉廊

長廊踈樹欲寒天  
悴葉成堆夕照邊  
為覓江南腸斷句  
畫闌干畔踏秋煙

送全謝山歸四明

程夢星

結契青霄上  
投閑白社過  
江湖堪寂寞  
身事儘蹉跎  
醉裏分襟易  
愁邊得句多  
甬東山水窟  
歸興復如何

馬曰琯

山館歲云暮  
空江人獨歸  
著書那免困  
違俗自無肥  
苦信藏名是  
深言止酒非  
句章風雪裏  
亦或憶柴扉

馬曰璐

三年一握手  
何遽唱驪駒  
竹裏書籤亂  
窗間酒盞孤  
愁心揚子渡  
寒色賀家湖  
行李兼風雪  
蕭々歲暮俱

謝山曾賦

陳章

甘窮恥作令  
淮海又歸程  
文字浩千頃  
草堂寒四明  
寂寥知酒德  
老大重離情  
潮信西陵近  
相思好寄聲

姚立鈺

武林懷舊事淮海共飄蓬相索形骸內長逢羈旅中一  
官君落魄多病我成翁珍重南雷學離心溯浙東

閔華

館閣文章伯江湖落拓身銷磨閑意氣憔悴老風塵久  
作蕪城客同為白社人朋尊且小住緩醉十洲春

陸鍾輝

廿年頻聚散又悵送歸橈名重時難合愁多酒易消離  
筵雲黯去路葉蕭蕭定憶同遊處春風十五橋

張四科

契集寧嫌數旋歸漫鬱於拋將繫肘印載得等身書水

驛風初勁家園歲又除莫忘千里駕長狎日湖漁

分詠四明古蹟重送謝山

胡期恒得黃公林

黃公居商山其產自東越暨夫采芝時遊戲偶一出至  
今餘長林清風自蕭屑先生歸歟處門外無俗轍

程夢星得梅墟

孫郎屠梅龍其一飛定海橫江亘為墟巨核誰所采仙  
巖梅子真丹竈至今在與子訂春遊花時尚我待

馬曰琯得雪竇

積雪蕭蕭古六月寒如冬當年開講席此日留禪宗清



露翻宿鳥陰雲蟠畫龍先生讀書暇時倚一枝筇

方士處得石窗

山石高突兀面之敞疏櫺日月光洞達長年戶不扃先生此棲遁看山雙眼青我欲從之游攬身凌滄溟

馬曰璐得賀公釣臺

幽棲本足樂何必定為官千載留釣石至今溪鳥寒遂初羨此老君歸亦故山相思時有寄遺我一漁竿

陳章得達蓬山

秦皇昔東遊高峯駐黃屋中有蓬萊滄海視平陸惜未銘李斯竟爾輸徐福不知望見無君歸試遐矚

姚士鈺得補陀山

補陀落迦山南溟浮縈靠曾棲梅子真亦現觀自在我非佛弟子大藥故思採目送朔風帆遐心寄瀛海

閔華得竹林

真儒棲息地草木常如新清風滿林下立節高嶙峋迄今五百年此中乃有人扁舟竟歸去著作同等身

洪振珂得小西湖

澄湖落天光空明似秋月人煙接渺瀰鷗鷺閑出沒十洲花影交半夜漁歌發君歸泛雪篷吟情自超越

陸鍾輝得六詔山

刻溪第一曲右軍昔居此累却鷺羽車逃名如救屣尚  
有滌硯池風吹墨濤起先生且暫歸但恐不免爾

全祖望得安期島

早入重瞳幕晚采翁洲藥赤松與黃石成否各有託山  
南桃花巖醉墨猶可拓今我歸去來從之遊鯤壑

張四科得玲瓏岩

禪宗第三山高岩對蘭若雲從岬嶂生水向空嵌瀉引  
我遠遊心因君歸白社飢腸貯古勤應感天童下

分詠揚州歲暮節物

胡期恒得吉祥丹

爐焰折丹房竒薰出禁方彈丸纜入火虛室自生香泛  
溢屠蘇煖氤氳樺燭光東風好消息眉際見微黃

程夢星得祭竈果

五祀原非媚新團出磨香差能勝白水終是遜黃羊司  
命聊相送比鄰許共嘗年々此風味纖手倩厨娘

馬曰琯得鬧穰々

巧思花絨剪簪來春意多青紅風裏立搖動鄰前過窠  
是兒童喜因之歲序和蘇家諸子姪拍手笑婆婆

汪玉樞得歡樂

五色蠻牋異千門佳氣同艷宜迎曉日疎不礙春風隔



歲黏痕在今年鏤樣工綵幡思舊製應遜此玲瓏

張丑進得壓歲錢

年時娛稚子亦藉孔方兄用鎮將除夜聊酬再拜情迴  
環朱纓結珍重繡囊盛記得垂髫日摩娑笈醫生

方士處得長命菜

年華見菜莖一種色菁菁不用鳴刀机翻如遂長成休  
徵宜稚子真味識儒生何似黃齏淡方稱百歲羹見清錄

馬曰璐得天燈

何以答天庥懸燈屋角頭相風同裊裊照夜亦悠悠彩  
奪繁星亂光凝瑞靄浮揚州十萬戶指點出高樓

陳章得節之糕

如霜隨磨落似鋌逐模成層累盪盪出青紅點染明希  
高訛吉語酬節想東京東京夢華錄節物多載糕事百尺竿頭意見

曹記此名

閔華得蒸飯

風俗隔年陳中堂位置新但教炊似玉不使甑生塵蒼  
翠標松正青紅釘果勻家之忻鼓腹留此待開春

陸鍾輝得春健人

連宵春玉粒蒸粉製為人不作龍鍾樣難模戍削身獻  
親祈老壽隨俗餽新春比似媯搏土相看一笑頻

洪振珂得斗香

何物格神祇沉檀細屑為彩毫塗一斗細楮畏千枝繚  
紹分層疊氤氳薦歲時正元初曙後高架熱塔墀

張四科得報旺鞭

裊々長竿上青紅一串懸響多疑谷應迸落象珠連子  
夜將闌後辛盤未設前繁聲似傳語家慶正綿々

分詠揚州歲暮節事

胡期恒得書聯

泚氣來書幌輕冰泮硯池選豪新製筆吉語舊人詩滿  
寫紅牋字無勞黃絹辭年々煩阿買春色在門楣

程夢星得分歲

今夕是除夕清閑獨掩門百年過六七一夜判寒暄媿  
少先春句聊開後飲尊老人貪穩睡不寐笑兒孫

馬曰琯得跳竈王

烏帽貼金花頻將好語誇米鹽充夾袋風雪遍東家狀  
態儼翁並跳踉豎子譁猶多媚竈者贏得醉麻茶

汪玉樞得聽讖

懷鏡傳遺俗吾衰亦爾為長宵人靜後深巷獨來時側  
耳聽閑話無心得好辭明年消息定坦步不須疑

張世進得祀林婆



歲祀林婆子深宵酒果芬自成鄉里俗不用翰林文琴  
瑟音常叶熊羆夢早聞我求高卧穩聊亦致慙慙

方士處得松盆

生火非商陸然松古俗存比隣相暎熱一室盡溫磨乍  
似浮香篆仍教泛酒尊新年來賀客遮莫諠寒門

馬曰璐得釘盤

花瓷八九事紅燭兩三枝一似分曹門多為餽歲遺園  
蔬真淡泊山果亦瓌竒何以成風俗添吾細碎詩

陳章得掃塵

青布蒙頭婢颺之拂竹梢光華到墻壁蓬勃出衡茅盡

與除蛛網休教損燕巢廓清天下志老嬾任相嘲

閔華得祀廁

介憤朱衣者圖來挿竹根曾愚唐李赤應識晉王敦處  
穢名翻淨居汙位轉尊苾芬修薦汝行欲糞田園

洪振珂得作羹

粒之惜篩餘調羹芣凍蔬碧芹香可擬玉糝滑何如洗  
手煩厨下沾脣樂歲除故園風味在瑣事亦堪書

陸鍾輝得炆麻蕪

餞歲沿鄉俗麻蕪炆火紅直教宜百穀兼可掃昆蟲田  
燭分春色鄰燈借晚風一叢茅屋下比戶挿相同

張四科得封井

歲事輓轡轉息機殊可懷常時宜勿慕此夜若新柴冰  
鏡沉寒甃銀瓶卧晚堦明年試初汲昏眼要先揩  
丁卯正月六日郊遊用陶淵明游斜川韻

胡期恒

歲首風日暖於茲卜天休嘉我二三子郭外逍遙游沿  
堤蓄塘水已作涓々流春陽稍呈露翻飛戲羣鷗登樓  
縱遠目何異升高邱樂哉無一事此境誰與儔清詩真  
漫與朗吟更唱酬不知朝參客能有此樂否麥根已滋  
長料無凶歲憂一飽萬想滅鼓腹吾何求

程夢星

春郊開霽景欣茲風雨休六日始一出遲彼斜川游躡  
屐升崇阜擁棹俯清流遙情託縱鶴逸侶偕盟鷗雖非  
遠林壑猶記某水邱蕭閑二三子鄉里多朋儔相約事  
耕釣夙願良易酬未知柴桑翁亦許此意否既無詩逋  
慮惟有尊空憂小隱既云足胡為物外求

馬曰瑄

人生衣食足百事可以休或者厭枯坐聊與尋清遊當  
茲歲六日相逢多勝流豈異同隊魚還如聚沙鷗藉草  
息深澤望遠登高邱緬懷義熙人遙々非我儔更進酒



一觴歡然成唱酬試問塵勞客嘯歌有此否歌竟感時  
節伸豪寫我憂青陽聊足賞紫芝馬可求

張世進

甫見歲籥改且喜塵勞休偕我素心友適彼青郊游步  
屨忘遠近談諧恣風流身同出籠鶴心若隨波鷗淺水  
生近渚長松蔽崇邱正爾樂放曠何必多侶儔稍倦憩  
林館清言互賡酬春服問成未臘醅嘗自否人生祇百  
年安用懷千憂及時縱燕賞此外無餘求

汪玉樞

膠之厭城市促之那可休喜得自在身策杖來郊游條

風扇朝旭餘雪融平流淡然襟抱適踪跡同海鷗當茲  
景物佳壺榼排林邱追隨盡文彥所媿吾非儔雲龍許  
相逐此倡彼亦酬梅柳逞華滋尚待幾日否人生貴行  
樂何必生煩憂拙性愜山澤此外將何求

方士庶

歲新人意適動靜皆見休靜學邊韶卧動為東哲游草  
木欣始萌澗泉斯漸流願隨丈人後參差如汎鷗沿緣  
渡傍渡升降邱上邱春至景氣和遇物皆我儔平生樂  
無事即此志已酬遐思羲皇世信能如此否嗟彼悒々  
者身外策百憂違性為遠圖不知何所求

方士虔

人生行樂耳心逸乃日休獻歲始六日蜂聲已暖游草  
芽碧漸舒麦畦青欲流形骸鮮拘束來去同閑鷗涉境  
自成趣况復尋烟邱駕言出北郭少長兼朋儔五字互  
賡和一尊相勸酬未審義熙世得如今日否歲有豐稔  
兆身無疾憂願言永今朝營之何所求

馬曰璐

孟陬開六日物役聊暫休風從東方來吹我及茲游宿  
草抽新穎輕冰坼寒流片之襟上雲點之煙際鷗竹木  
坐深蔭儼然對淵邱民動自如煙靜者各為儔篇中有

興託酒外無獻酬未知後來人得知此時否古寺閱流  
水春田散煩憂良辰不共適百年將何求

陳章

欲出意復嬾啼鳥喚不休晨策遵垌野遂爾成嘉遊樹  
翼微風去水帶初陽流羈懷一以豁思狎波中鷗何必  
去人遠亦有小埒邱獨往興易盡偕行多良儔得句互  
賡唱臨觴迭相酬俯仰人世間有此暇豫否身賤豈遑  
恤道在曾靡憂梅花暗相約斗酒尚可求

閔華

忽之節序換歲首人事休且偕社中侶聊作塵外游披



林造佛刹沙梁俯壕流風和無凍雀水暖多輕鷗駕言  
躡層坂何異元圃邱韓公子姝從陶令隣里儔今日共  
臨眺萬景無停酬試問後游人有如此樂否藉彼一尊  
酒消我千載憂人生幾納屐不飲將安求

洪振珂

人生洵勞止亦欲得少休青郊適連袂佳日相追游老  
態看漸增年華去如流胡不解天弢侶彼浩蕩鷗方事  
蠟吟屐更欲築糟邱連紙快得句朋尊喜有儔草薰初  
欲徧鳥語同交酬不知斜川人尚復解此否往者不足  
憶來者吾何憂即時樂上樂汲汲將焉求

題西疇圖

程夢星

摘星樓下蜀岡東邱壑生成自不同最好綠疇平似掌  
一犁春雨暮煙中

原上鳴春賦鶴鷁繪圖何用倩丹青隔江更有山如畫  
收向樓前作翠屏

幾度經過舊有詩來遊偏早去偏遲煩招添我閑叉手  
記取山窓聽雨時

曾將淡墨寫迂倪兩々蓮塘碧葉齊今日登樓遙指點  
溪亭只在石橋西

馬曰琯

方罨雜柴荆難兄小筆成梅花在竹外山色與樓平風  
氣儼上古桑麻無俗情披圖豁心目我亦欲躬耕

汪玉樞

數尺生綃淡墨妍殘梅籬落遠春田他時壁上閑看處  
應記園林二月天

張世進

別業崑岡下扶疎竹樹幽春秋多佳日西北有高樓載  
酒招犀首為圖倩席頭吾將營十畝傍舍築菟裘

馬曰璐

茅屋低於花蕊疎林露出山榭何處雪香雲冷居然牛  
健鴉驕助耕有此妙筆懷新想見良苗更欲添携酒榼  
鷄豚社裏招邀

陳章

十畝西郊地荆扉煙靄中稻香吹鶴柴花影上牛宮載  
酒沉冥客言田偃僂翁予懷沮溺志慙愧但飄蓬

洪振珂

負郭此田園編籬匝短垣野蔬春供饌遠岫早當門過  
雨看農事逢花挈酒尊倩君圖畫裏添我駕烏犍

陸鍾輝



日、清遊出扶筇不待呼探梅來舊侶潑墨寫新圖附  
郭田高下隔江山有無行吟苔徑裏點染著吾徒

著老堂分詠春蔬

程夢星得薺

茶薺不同畝所別苦與甘豐歲先春生有若飴可含未  
須作觔買挑擷已盈襜莫待花如雪從誇三月三

馬曰瑄得萹蒿

厥蒿二月生細白美盈寸登枰點吳酸携筐采下溪河  
豚愁腊毒得此可不論珍重下箸時佐我桃花飴

張世進得芹

春水生楚葵彌望碧無際泥融燕觜香根茁驚管脆允  
與煮飯宜常足調羹計轉笑羊鼻公和醯太拘泥

馬曰璐得杞苗

井口茁寒茗小摘未盈掬其味元功成其下靈犬伏飢  
可充空腸飽即雜誦讀一笑我何貪取配想萌菊

陳章得蘆芽

昨日沙上叟盈筐送薤萌我本扁舟客喚婢作吳羹細  
嚼春江味中有秋雨聲更配河豚煮母愁性命輕

閔華得韭

茸々早韭畦初齊半莖碧春風剪園官夜雨餉詞客分

非居鼎烹相豈宜肉食飽饜庾郎貧待汝長一尺

陸鍾輝得菜臺

菜甲乍生臺肥嫩勝笋蕨抽心摘春雨論把撥殘雪飽  
食桃花時滋味亦清絕毋勞羊蹴蔬只此已饜饕

集讓圃投壺

胡期恒

禮著投壺義娛賓古法垂三辭猶揖讓再拜敢傾歌宴  
爵行無算升歌節不遲當年羊叔子裘帶好風儀

程夢星

古者投壺以樂賓設中東面奉枉矢歌詩陳樂儀節繁

執爵命弦著典禮後人視此若其迂六博彈碁擅奇技  
其製久廢器尚存偶然游戲差可喜讓圃主人招客來  
欲師古意客曰唯爾乃揖賓偕就筵狸首未奏鼓聲起  
一馬二馬三馬終五扶七扶九扶止多者立慶少者從  
劣者行觴勝者跪自愧生疎幾敗壺但求免罰姑中耳  
敢做賭龍玉女笈竊窺隔障石姬恥邯鄲作賦詞難追  
司馬更格圖空擬激箭作驍匪所能袖手旁觀聊復爾  
獨欣醉飽相周旋有酒如淮肉如坻

馬曰琯

忽聞天上笈不道是投壺奉矢儀遵禮徵歌術用儒我



無一籌展人見隔屏輸聊作文場戲何妨酒百觥

張丑進

小集亦觀禮花間枉矢擊分曹惟賭酒醉客免投瓊耳  
惜副車中壺聽破的聲陶然忘永日勝負不須爭

馬曰璐

壺矢破春陰庭前風滿林閑投寧合格偶中却無心試  
賭詩頻詠難辭酒屢斟成駭同一笑驚起竹間禽

陳章

儒雅祭征虜詠諧郭舍人此風久不作今日復娛賓壺  
響丁東矢觴行揖讓身嗤他博塞者豪放擲錢緡

閔華

投壺本小技燕饗禮所重中虛叶卦象外直取材用四  
體心手爛八音金竹共進退觀揖讓勝負生靜動惟此  
樂主賓因之煩僕從分朋似兩軍十發成五中叩底微  
有聲塞口欲無空駭者八環躍罰者具爵奉佐飲作雅  
歌踰言屏嘲美有時如漏滴奚事勞糶貢古賢戒沉湎  
茲意警閑縱肯效郭舍人巧偽博筵閑

陸鍾輝

素心來讓圃講藝法投壺慶馬多新格歌詩按舊圖主  
賓皆欲醉勝負總清娛進退花前立相將日已晡

張四科

別圃娛賓處銅壺竹矢將禮如鄉射肅樂豈雅歌妨罰  
誰先飲驍心我已忘卒投同一筭花外又斜陽

韓江雅集十卷終



